







廣西總叙

文獻通考有嶺外代答十卷永嘉周去非直夫撰  
所記皆粵西事據云唐分天下為十道二廣不分  
東西元和郡縣志以唐分嶺南安南桂管邕容為  
五府各置經畧使而嶺南節度治廣州是合廣南  
五管並隸廣州亦不分東西矣至懿宗咸通三年  
始陞邕管為西道節度使而東西乃分宋江應辰  
題名紀云國初合二廣為嶺南道至端拱元年監  
察御史高象先為廣西轉運使廣西分部命使實  
始於此皇祐中儂智高平詔狄青分廣西邕宜融

哈佛大學  
圖書館  
藏

為三路守臣兼兵馬都監而置經畧安撫使於桂  
州以統之此今者粵西開府之制也宋朝會要云  
大觀三年以黔南路併入廣西為一路以廣西黔  
南路為名依舊桂州為帥府四年仍舊稱廣南西  
路張維廣西郡邑記云以漢志考之今之東路即  
漢之南路桂陽郡與夫桂陽郡之五縣曰桂陽湏  
陽含淮陽山曲江是也蒼梧郡之三縣曰高要端  
溪與夫廣信封陽俱屬焉其鬱林合浦珠崖儋耳  
四郡與天倉梧之七縣是西路而交趾九真日南  
自唐置安南都護歷五代遂為羈縻國此似今者

兩廣總督之制也按國初交趾雖入郡縣屢叛  
不常至宣德間始棄之今僅修貢職不替而已○  
代荅又云五嶺之說皆指山名考之乃入嶺之途  
五耳非必山也自福建入廣東之循梅一也自江  
西之南安入南雄二也自湖廣之郴入連三也自  
道州入廣西之賀縣四也自全入靜江五也○明  
督學使魏濬西事珥云五嶺考見丹鉛錄臺嶺之  
嶠在大庾騎田之嶠在桂陽都龐之嶠在九真萌  
渚之嶠在臨賀越城之嶠在始安則西粵已占嶺  
之三矣而廣州記謂大庾始安臨賀桂陽揭陽為

五嶺其說頗異淮南子以為始皇利越之犀角象齒翡翠珠璣乃使尉屠睢發卒五十萬為五軍一軍塞罽城之嶺一軍守九疑之塞一軍處番禺之都一軍守南野之界一軍結餘干之水然粵西薪米之外皆仰給東人所謂犀角象齒翡翠明珠未有一焉及考其地則罽城在武陵西南九疑在零陵南野餘干在豫章大抵隔絕嶺表之路爾惟番禺一軍軍於越地故謂之都亦中外維絡控制使不得動之意非必利其所有也又唐置五管廣管桂管容管邕管瓊管屬之西者亦三○按

桂陽今郴州是有黃岑山在州之前一曰黃箱山即騎田之嶠其支曰折嶺者楚粵於此分界口萌渚嶠在富川縣北與楚之江華為界水南北分流一曰始安嶠在興安縣界湘灘二源間相距百餘步即越城之嶠一曰臨賀嶺一曰桂嶺今謂在桂林者誤○漢武帝元鼎間以衛尉路博德為伏波將軍出桂陽下湟水主爵都尉楊僕為樓船將軍出豫章下瀘水發十萬師討南越歸義越侯嚴為弋船將軍出零陵下灘水甲為下瀨將軍下蒼梧越馳義侯遣別將發夜郎兵牂柯咸會番禺獲其王建

德相呂嘉蒼梧王趙光降遂以其地為蒼梧南海  
九真交趾等九郡蓋伏波樓船兩路為正師弋船  
下瀨攻蒼梧使自救而夜郎以備應援與秦五軍  
之意大畧相似○隋義寧間羅川今蕭詵稱兵江  
陵欽州刺史寧長真以鬱林附之始安郡丞李襲  
志堅守不下詵攻圍二載外無聲援城陷詵仍以  
襲志為桂州總管復遣劉洎畧嶺表地得五十餘  
城勝兵四十餘萬唐武德初襲志約嶺南酋永平  
郡守李光度潛圖歸附高祖以書諭曰公朕之宗  
不可與異姓比宜及子弟並豫宗正屬籍是年以

李靖為行軍總管討平蕭詵靖踰嶺至桂州分道  
招慰下十六州襲志誘諸嶺南酋皆送款詔授靖  
嶺南撫慰大使襲志為桂州都督靖以嶺表遼遠  
久不見德化非示禮義無以變風因延見長老宣  
布恩意嶺表率平○唐季方鎮擅命自相雄長楚  
王馬希範割據靜江兼轄牂柯象郡南漢王劉晟  
稱制番禺時修郤于楚周廣順間南漢遣內侍吳  
懷恩攻敗楚師以兵畧定宜連昭賀桂柳象龔等  
州盡有嶺西地宋開寶三年以潘美為桂州行營  
都部署帥師代南漢劉鋹聞宋師至內外震恐乃

遣龔澄樞馳往賀州畫守禦策宋前鋒至芳林澄樞遁還遂圍賀州張遣伍彥柔將兵援賀潘美潛以奇兵伏南鄉岸彥柔夜泊南鄉艤舟岸側遲明挾彈登岸踞胡床指揮而宋伏兵卒起彥柔衆大亂因擒彥柔斬之梟其首以示城中城遂降美帥師次昭州破開建砦昭州刺史田行稠遁去城遂陷桂州刺史李承進棄城而奔美乘勝克廣州降劉鋹嶺南悉平 國初洪武元年

上以廖永忠為征南將軍以叅政朱亮祖為副帥取廣東以平章楊璟左丞周德興叅政張彬取廣西因諭永忠曰兩廣之地遠在南方彼此割據民困久矣定亂安民正在今日若先遣人宣布威德以招徠之必有歸欵迎降者可不勞師旅慎未殺掠廣東既平留兵鎮守仍與平章楊璟等合兵取廣西肅清南服在此一舉復諭璟等曰南方之地皆入版圖惟兩廣尚未歸附命爾等率荆湘之衆進取廣西兩軍合勢何征不克何堅不摧爾其務靖亂止暴撫綏順附使遠人畏服懋建乃勛毋替予命諸將皆頓首受旨五月永忠亮祖等既平廣州兵至梧州境元達魯花赤拜任率官吏父老迎



降時元吏部尚書普顏帖木兒張翽以便宜行事入廣西行次藤州聞永忠兵至欲募卒迎拒無有應之者既而聞州守吳鏞出降乃率所部百餘人走鬱林亮勒兵追之普顏帖木兒戰死張翽赴水死亮祖駐兵藤州於是潯貴鬱林容州以次皆降是時楊璟既克永州遂引兵抵靖江城下屯北關叅政張彬屯南關亮祖帥師自廣東來會屯于東門象鼻山下政城越二旬不下璟語諸將校曰彼所持者西城濠水耳當先取閘口關決其堤岸破之必矣諸將曰諾明日遣指揮使丘廣引輕兵攻

閘口關殺其守堤兵遂決堤濠水涸因築土堤五道與其城接以逼之元守臣也兒吉尼勢窮感其總制張榮與麾下裴觀以書繫矢射璟營約降期是夜二鼓觀縋城見璟備言城中儲積空虛人無鬪志可立取狀璟乃給白皮帽百餘俾歸為識約四鼓從寶賢門入至期璟率衆登城曰殺人傷人及標掠者死衆心遂安生擒也兒吉尼送於京師左江太平府土官黃英衍右江田州府土官岑伯顏等各遣使齎印章詣璟降上既平廣西遣照磨蘭以權諭兩江谿洞居民詔曰朕惟武功以定

天下文教以化遠人古先哲王威德並施遐邇咸服者也曠茲兩江地邊南徼風俗質朴自唐宋以來黃岑二氏代居其間世亂則保境土世治則修職貢良由審時知機故能若此頃者朕命將南征兩廣平定爾定不煩師旅奉印來歸嚮慕之誠良足嘉尚今特遣使往諭爾其克慎乃心益懋厥職宣布朕意以安居民自是兩江諸夷贄琛者恐後云○魏濟西事珥曰古之部置方州皆因山川形便與其道理遠近所宜故或因建瓴之勢以臨制上游或順臂指之義以控運四外要歸於建威銷

萌以久治安而已若悉割兩江東色廉欽潯鬱以北盡乎宜柳之境屬之邕管使自為牧鎮此所謂臂指之義也則兩江谿峒可以馴服兩江既治雖以南畧交趾可也或曰如此則何以為廣西曰桂林故衡湘地也天文分野上屬翼軫九疑蒼梧之山形勢曼衍首起衡嶽腹蟠八桂而尾達乎蒼梧湘離二水分繞其下桂林據其上游若屋極然所謂建瓴之勢也衡永邵道桂柳諸郡綴附廣西并故所轄桂昭格三郡統之其封畧故為不小矣今荆湖地理濶遠行部使者病不能徧歷或議欲析

之而衡湘間數郡歲調兵食以給廣西蓋猶屬之也若舉而移之經制一定為嶺服安危計慮久宜更無出於此○按張襄惠公序南寧志中有此論與秦置桂林象郡吳分荆交之意畧同唐設桂林邕州二都督府而宋平儂智高後邕州太守特兼經畧安撫之號兩江無事者近百年其效可堵矣異日西南多故必有行其說者○今制廣西桂林府屬桂林道平樂府屬府江道梧州府屬蒼梧道柳州慶遠思恩三府屬右江道潯州南寧太平三府屬左江道其蒼梧左右江道俱守巡分治之惟桂林平樂則總一分守故守道曰桂平道而佐以天啓二年起家降補茲職云

廣西名勝志卷之一

閩中曹學佺能始撰

桂林府 附省領州二縣七

史記秦始皇南取百粵置桂林象郡按象郡在今日南境桂林在兩江郡縣之間非今之桂林也漢書武帝元鼎六年改桂林郡為鬱林今潯鬱二州其地咸有焉南史梁天監六年分廣州置桂林地亦不改大同六年改置桂州于始安郡督南桂林等二十四郡始為今桂林矣始安郡在漢分屬零陵東漢建始安侯國于此三國吳耳露元年以零

陵南部置始安郡其時黃蓋為始安太守郡治多所規拓晉宋齊陳皆因之至隋開皇中廢始安郡崇置桂州唐武德天寶之際始安郡及桂州更置不常至先化間陞靜江軍節度使宋紹興已後之靜江府元靜江路俱沿其額 國朝仍復桂林之名以藩王為靜江府改靜曰靖二義亦相通○城邑考云桂林子城在離江之西周三里十有八步高一丈二尺唐莫休符風土記以為唐初桂州總管李靖所築○古外城唐蔡襲築方六里又有夾城在外城之北周六七里先啓中都督陳環築○

古城六南曰寧遠俗呼陽橋北曰迎恩西二一曰平狄俗呼錢爐一曰利正俗呼沙塘其東二一曰行春俗呼上東門其一則子城之東江門宋皇祐中平儂智高之後經略余靖所築也王安石為之記今門增十二曰東鎮就日癸水麗澤武勝文昌寶賢西清安定而寧遠行春東江三門仍舊○榕樹門即古南門相傳為唐時築門上植榕一株歲久根生跨門內外盤錯至地分而為兩天成門狀車馬往來徑于其下 國初洪武八年展南城凡舊基率毀去惟存此門即楊基孟載詩榕樹城門

却倒垂也。○東江門有樓冠其上。唐詩名東樓長史于邵九日陪廉使盧端公宴東樓有序。今分守桂平道。近此門。故予詩云。分司猶得近東江。○東樓之北有樓曰逍遙。宋之間登逍遙樓詩。逍遙樓上望鄉關。綠水泓澄。雲霧間。北去衡陽二千里。無因鴈足繫書還。宋崇寧初改為湘南樓。取韓退之詩中語也。李彥弼有記。今碑見存。碑陰刻逍遙樓三字。以為顏魯公筆。○唐人從城東至北。建有三亭。其一為東山風土記云。府之東門有大亭。枕江與望月樓相接。最近子城。口一為拜表亭。風土記云。北接碧潯。南連望月。東俯長河。西鄰雉堞。前尚書盧公匡建置。口一為碧潯亭。接連逍遙。前近大江。館宇弘麗。制作精緻。高下敞豁。冠諸亭院。大中初。韋舍人瓘所舩也。曹鄴碧潯宴上有懷知己。荻花蘆葉滿溪流。一簇笙歌在水樓。金管曲長人盡醉。玉簪恩重獨生愁。女蘿力弱難逢地。桐樹心孤易感秋。莫恠當歡却惆悵。全家欲上五湖舟。○陽亭舊在陽江上。迤西南城。陽江之水入焉。名曰陽塘。演漾數百餘畝。岸帶樹陰。州連芳杜。夏月藕花盛開。芬郁特甚。今折入貢院及督學公署。十之三

盛開芬郁特甚。今折入貢院及督學公署。十之三

四○宋之問故宅在城南二里即玄山觀也宋雍熙間刺史柳開玄山觀記云唐景雲初宋公南遷愛其清致卜為軒榭歿後夫人孫氏捨為觀後五十餘年夫人族弟倉部郎中成來為刺史命開記之後易為真山觀○曹鄴宅在市西門阜則坊鄴字鄴之本陽朔人唐大中登進士第後遷於此觀察令狐綯以鄴所居改為遷鶯坊○趙觀文故宅在城西門外進賢坊舊臨桂學趾觀文臨桂人唐乾寧二年狀元○望秦驛舊設于城北蓋古秦城在城北八十里融灘二水間也唐柳子厚集有城

北望秦驛手開竹徑至釣磯留待徐容州詩云幽徑為誰開美人城北來王程倘餘暇一上子陵臺至宋時改為桂州驛咸平初陳堯叟為轉運使以嶺西風俗病者禱神不服藥乃集驗方刻石于驛內今復移之稍東因改為東江驛口魏濬嶠南瑣記云東江驛去虞山西南三百步黃澤由癸方來注之滙為靜流東與灘江隔一洲洲上蒹楚萋密而驛前竹樹林樾交接互映淥水一灣澄泓如染了無塵坌之態○舊始安郡及桂林郡廨俱在獨秀山下國初建置藩封乃移于醮樓街北唐李

義山詩有曰既載從戎筆仍披選勝襟瀧通伏波  
柱簾對有虞琴宅與巖城接門藏別岫深閣涼松  
冉冉堂靜桂森森明指獨秀山也○八桂堂在揭  
帝塘上宋紹興中龍圖閣鄱陽程節建更熙春臺  
泛淶閣俱在左右按揭帝梵稱也塘在癸水就日  
二門之間方廣數畝獨秀伏波二巖蘸影其中今  
亦藩郡垣而閉之堂久不存○漢張衡四愁詩其  
一曰我所思兮在桂林欲往從之湘水深側身南  
望涕沾襟美人贈我金琅玕何以報之雙玉盤路  
遠莫致倚惆悵何為懷憂心傷煩唐王昌齡送任

五之桂林楚客醉孤舟越水將引棹山為兩鄉別  
月帶千里貌羈謹同繪綸僻幽聞虎豹桂林寒色  
在苦節知所効按揭即任華也時為李昌巖府中叅  
佐杜甫寄桂州楊五五嶺皆炎熱宜人獨桂林樹  
花萬里外雪片一冬深聞此寬相憶為邦况好音  
江邊送孫楚遠附白頭吟韓愈送桂州嚴大夫蒼  
蒼森八桂茲地在湘南江作青羅帶山如碧玉簪  
戶多輸翠羽家自種黃柑遠勝登仙去飛鸞不假  
驂李商隱桂林即事城窄山將壓江寬地其浮西  
南通絕域東北有高樓神護青楓岸龍移白石湫



殊鄉近河禱蕭鼓不曹休○金石錄載唐桂州都督程元英碑李邕撰文張廷珪八分書大歷七年五月立○隋桂州總管陳莫穎墓誌正書無姓名武德八年十月○文獻通攷桂林風土記一卷唐融州刺史權知春州莫休符撰昭宗光化二年○桂林志一卷宋乾道五年靜江教授江文叔編時張維為帥撰次刊刻○桂海虞衡志二卷府帥吳郡范至能撰成大自桂移蜀道中追記昔游○桂林盛事記張仲宇撰字德儀紹興間人與石安氏相為引重安氏二弟安行安持俱能文里人號曰

三石

臨桂縣附郭

本漢始安縣吳立始安郡領縣七始安其一也唐武德初析置福祿縣貞觀省入始更今名○唐張籍送人之臨桂旌旆過湘潭幽竒得遍探莎城百粵地苻路九疑南有地多生桂無時不養蠶聽歌難辨曲風俗自相諳戎旻桂城早秋遠客驚秋早江天夜露新滿庭惟有月空館更何人卜命知身賤傷寒舞劍頻猿啼曾下淚可是為憂貧宋陶弼送臨桂令戴若納出廣五嶺生還少無辭酒滿觴

共經邊寇事。先出瘴煙鄉。楚樹蟬聲早。湖天日影涼。此行休問路。宮闕斗杓旁。○縣舊基在今府學內。即始安縣也。唐時徙在郡治西南隅。利正門下。國初移今所。乃舊縣學基。○獨秀山踞城內稍東。凝介獨立有端人正士之想。國初考卜其陽為藩邸。朱扉四達。周垣重遶。蒼翠所及。皆禁籞間地。以故彤亭畫觀。上出雲表。下漸清池。最為諸山麗觀。馬山故刻有孔子像。按圖似元人所為者。起自唐大歷中。李昌巖為桂管觀察使。建學其下。設東西庠。以居胄子。備俎豆儀以親釋菜。建中元年八月

二十八日。監察御史裏行鄭叔齊為之記。口巖曰。讀書以劉宋時始安太守顏延之讀書于此巖前。有五詠堂。鐫五君詠。不具錄。顏詩曰。未若獨秀者。峩峩郭邑間。見鄭叔齊記。內惜無全篇。口桂海虞衡志云。讀書巖在獨秀峰北。傍周迴百餘丈。豁然明朗。有便房石榻石牖。如環堵之室。其西石壁垂乳。潔白如雪。有洞曰雪洞。題名唐刑部員外郎孟簡。元和元年三月三日遊宋朝奉郎通判桂州軍州事楊書思政。和二年九月晦來。孫覲北歸提點刑獄董莽。招經畧安撫劉彥。適轉運副使陳充判

官趙子巖餞于蒙亭飯後登鐵牛寺塔徒步入藏  
院觀無盡老人畫像初寮道人書榜及讀書巖所  
刻五詠晚集於靜寄紹興四年十月十七日淳熙  
改元冬常恭曾遊開封王維則拉張信之啜茶巖  
下山主華公預馬淳熙十年歲次癸卯七月十九  
日題紹興甲戌三月二十七日知府事呂愿忠訪  
顏氏讀書巖淪茗鼓琴裴回久之預者四人機宜  
劉襄監郡朱良弼司理葉仁宋乾道九年蔣時日  
新篆雙清室三字又有舊刻雪洞二字○桂山在  
府治東北三峰連屬拔起于前次峰宛轉後峰龍

從總之皆北山也巖曰疊綵明張羽王紀勝曰桂  
城直北重門夾山山分東行即為疊綵有亭曰仙  
鶴又有越亭山穴透出北面因名北牖洞俗名風  
洞遠眺長江極目煙水唐會昌初元常侍晦時恣  
盤遊建大八角亭寫其直像而院即為寫真院歌  
臺釣榭石室蓮池故稱絕景口明臨桂令葉繼熙  
雜識云疊綵巖在城北又東數百步斗徑紆環竒  
石累積山腰有洞南北相通穿洞出山北歷級而  
升巖石益竒聳有三巨峰列峙唐韓翃詩三峰亭  
暗橘邊宿即此也梯磴迴互遠眺群山作奔騰趨

躍之勢口元常侍記云按圖經山以石紋橫布彩  
翠相間故名疊綵東行則枕壓桂水西巖有石門  
中有石像故曰福庭又門陰構齊雲亭迥在西北  
曠視天表想望歸途北人此遊多軫鄉思直渚之  
北有虛楹釣榭由此三迳各趨所抵左指山隈右  
之僧舍為寫真堂北鑿山迳可抵栖真洞其右小  
支戟立四望故山名四望亭號銷憂亭之前後綿  
絡山腹皆迳梁危磴以相因委其詩曰乏才叨八  
使徇祿非三顧南服頒詔條東林證迷誤未聞述  
職効偶脫翫煩趣激水濬砌塘緣崖歌磴步西巖

煥朝旭深壑囊宿霧顛氣爽衣巾涼颺輕杖履臨  
高神慮寂遠眺川原布孤帆逗汀煙翻鷗集江樹  
獨探洞府靜恍若偃佺遇一瞬契真宗百年成妄  
故孱顏石戶啓杳靄溪雲度松籟韻官商鴛鴦勢  
翔溯津梁危約架濟物虛舟渡環流馳羽觴金英  
妬粧婢茄吟寒壘迥鳥噪空山暮悵望麋鹿心低  
迴車馬路懸冠謝陶令褫珮懷疏傳遐想蛻纓綏  
徒慙卹襦袴福盈禍之倚權勝道所惡何必栖禪  
闕無言自真悟○夾北城而西是為寶華當山中  
斷續以雉堞下有重門為西清寶積山自南來交

扼其口前巖東嚮為華景華景之前橫塘深廣晨  
飄霞綺夕麗全波元帝侍晦建亭曰巖光以巖拂  
水而寫光也石屋平敞可布十筵其從翠壁上蟠  
漸至峰首有諸葛祠從北至西城壁峻削皆斬崖  
為之雖石頭之險不能過焉唐以前謂西阜高起  
名其地為盤龍岡諸葛之祠無亦因是起與口雲  
衡志云華景洞高廣如十間屋洞門亦然有石棊  
局爛柯石元帝侍巖光亭詩石靜如開鏡山高若  
聳蓮筍竿抽玉管花蔓綴金鈿亦長篇之斷壁也  
臨桂雜識云華景石洞毗聯朱扉雙啓周迴完密

若寢室然窈窕深通紆轉徐折闔而復明蓋洞之  
後別敞為口耳附崖竹木掩映閒若仙居絕頂至  
諸葛祠臨高矚遠豁然一大觀云○隱山當夾山  
南口潛洞出其東北西山屏其西南亂石疊盤北  
高南下中藏六洞洞皆有水溢出為湖唐李渤石  
其洞之水曰蒙泉流水出山名曰蒙溪諸洞名曰  
朝陽夕陽南華北牖白雀嘉蓮各有隸書三字曩  
日湖光之勝具吳韋記中今廢為平疇矣吳武陵  
記畧云西出門里許得小山山下得伏流北上四  
十餘步得石門左右劍立自石門西行十步得北

廣西名勝志 卷之二  
洞如室清縹若繪上有石窓下望千山如指自石  
室東迴三步得巖有水泓然其色黑綠巖北露半  
穴如門出門有潭袤三十步潭有芰荷潭北十步  
得溪溪橫五里徑二百步可方舟渺然有江海趣  
魚龍澆瀾鷗鷺浮泊如秦石門東南越小嶺石林  
危嶠夾聳自嶺下十步得東巖自巖口直下二十  
步有水淺莎細草如織南望有結乳其白擁雪自  
巖西南上陟飛梯四十級有碧石盆二乳竇滴下  
酌飲承之又陟梯九級得白石盆盆色如玉盆間  
有水香甘自然可飲十人還自石盆東北上又十

二級得石室乳穗駢垂繫之鏗然作金玉聲自室  
北出四步直西南入小峽得內洞東有石室如畫  
頂上方井弱翠輕綠便如藻繡自洞南下仰矚東  
崖有凝乳如樓如閣如人如獸自樓閣斗下七步  
次石渠渠深七十尺渠上為梁曲折繚繞三百步  
自梁直南抵絕壁斗下飛梯九盤及水水北崖石  
閣峭甚綴以欄檻適堪宴息自石閣還上絕壁西  
十步又得小洞偻行三十步左右壁有鐘乳或垂  
或滴壁窮有石室多白蝙蝠出小洞北上二十步  
得外洞壁下有石數十其面砥平間有凹罇琴薦

廣西名勝志 卷之一  
厥狀甚佐遊人列坐肅若水霰洞北七步臨西石  
門石門又西去三十九步得西洞洞深九十尺北  
崖可道可容一軌崖南有水若鏡纖鱗微甲悉堪  
數識自西洞口南去一矢得南洞洞西壁可譙數  
十人其東有水輕風徐來微波蕩漾北上山頂盤  
曲五百步石狀如牛如馬如熊如羆劍者鼓者笙  
竿者塤箎者不可名狀石路四周而松蘿萃於西  
北其左又有一洞名迴龍洞中石橋貫出山背欄  
楯之上度以石盆承流不絕橋上別為洞門有崖  
石廣約半畝因之為亭榭舊建西山寺于上一名

資慶寺相傳宋崇寧間米芾為臨桂尉任滿寓西  
山資慶寺與詩僧紹言遊有贈紹言詩序唐戎昱  
西山上陸大夫登高上山高處更堪愁野菊他  
鄉酒蘆花滿眼秋風煙連楚郡兄弟客荊州早晚  
朝天去親隨定遠侯宋孫抗題朝陽洞險絕信天  
開春蘿蔭古苔不愁雲影閑先得日光來片石充  
基局涼波遞酒盃東風偏著意草木爛成堆抗于  
六洞各有題詠不具錄題名河內李曾伯再牧桂  
之明年實開肇改元上命三衢柴士表視邊隘竣  
事將還夏六月二十一日約憲倉四明豐蒞兵帥

廣西雜錄  
汪光朱廣用苻離朱煥載酒千山觀訪招隱過仙  
奕感今懷昔風物固忘恙也時火傘張空水花蘸  
碧相與徜徉其間清不受暑因得四十字并識諸  
石○中隱山山城西南五里至則小溪淺碧可踐  
而過循麓入巖巖有三重其下着地者最為廣平  
上漸斬削然戴履純石瑩然朗淨無復下方埃壘  
狀陟第三重據牖而望若游目天表暝煙歸鳥皆  
從下飛侯山返照入巖轉光風自西來薄巖拂樹  
與東麓僧菴鐘磬相和炊煙縷縷起叢薄間其傍  
有木林村居人頗衆按中隱一作鍾隱土人曰佛

子巖以宋乾道間建有福緣寺為僧祖華所居故  
名題名元豐二年八月十八日劉宜父曾公冕苗  
永孺僧紹簡遊括蒼管定夫莆陽方孚若長樂陳  
膚仲嘉定癸酉先重陽一日來遊詩境癸酉三月  
三日遊詩境即孚若之別號蕭子敬向伯大王德  
強呂叔舉鍾德元張聖泳鍾長卿王必大端平丙  
申下元前二日來遊長沙鍾春伯豫章范旂叟端  
平丙申歲十月既望前三日同遊臨川羅愚淳祐  
辛丑中伏日約曹伯虎聶世用梁价魏牧楊羲仲  
趙時頌陳噲汪知幾翁崇榭觀稼西郊至呂公巖



泛舟覽湖山之勝觀石湖南軒諸賢題字時雨初  
霽涼風先秋穡事可期因志其喜陳鐸叔振周子  
榮景仁范得輿民載趙孟適君啓淳祐辛亥前立  
春二日同遊○琴潭山在城西六里群山中有一  
小山巨石林立如鋸解刀削其下空洞成潭水流  
琮瑋如琴筑聲前有小巖虛廣明潔石榻石琴各  
一具傍又有荔枝崑俯石門而入深十餘丈多滴  
乳垂綴若荔枝宋方提刑題云字若再至桂林歷  
窮勝踐最後始得清秀玉乳荔枝琴潭四巖而琴  
潭水石又諸巖之冠冕且川原平行群峰環抱愛

之不能去○清秀山從西清門下濠石道上西臯  
入夾山口緣山行又里許有塘曰清巖出其上環  
桂諸山本以孤峭標秀而是山則岡連隴湊盤紆  
葦鬱長可一里餘獨以巖門下瞰塘水山澤通氣  
清彩映發如其名焉入門則有兩巖東西對闢上  
出山半其迥朗亦適相敵北郭諸山近在東墉可  
招而至其西則陽江北來倚楹而望批崖越壑其  
流泊急過下庄居者前水波寬緩山漸深土漸衍  
似村塢可耕矣方信孺詩尋徧洞天三十六蒼靄  
獨悶此巖扉旋除野草開新徑遮莫寒藤刺客衣

歲月偶同題壁字煙霞似不放入歸把苑欲作開  
山主已落瞿曇第二機張自明和甲子循環各一  
時又逢青人護巖扉金墉城鎖瑤池苑蒼玉樓鋪  
錦地衣萬里西風生木末數聲湘竹叫雲歸明朝  
天上秋期近問訊河邊織女機題名龍圖閣直學  
士經畧王公若愚與提點刑獄劉子至提舉學事  
唐夢傅大張旌旆觀稼近郊烹今歲建茅於此遂  
過傲雲諸閣大觀元年五月十六日權發遣轉運  
副使公事張莊正民題杜唐臣張通夫王誠中張  
通甫董君佐姪聖程聖欽元符三年八月旦同遊

欲騎日月超然之韻端臣獨題公輔公密大觀庚  
寅清明前六日遊男叔侍明叔仲明仁仲子源靖  
康改元五月中休同遊是歲初冬九日明叔仲明  
子源同晉卿再來郡守呂叔恭以甲戌李春七日  
遊中隱巖山水之興未已後兩日再拉機宜劉子  
思監州朱國輔經屬陳朝彥同至新洞所見愈奇  
真所謂倒食其蔗也灘山人曰巖居蓋有朱元順  
云是時張安國帥桂年壯氣盛少所屈意乃紆騶  
入谷親與其客造朱所栖至勒之石豈桂之蜚遯  
之士朱獨高舉希慕遺風安國遂從而禮異之於

廣西名勝志 卷之一 一  
以風部內乎了達之牒乃判府汪公聖錫所給且稱了達有苦行巖刻具在來遊者後之君子可按焉灘山人即張羽王鳴鳳也○灘山一名沈水山在城東南隅唐龍朔中曾降天使投龍于此陽江西來東入灘水魁然起據南臯之端橫障江口洞曰水月門出水上其高侷闕夏秋之交移舟入焉遊魚千百澆澗几席間宋提刑方公信孺即南壁下建精舍以居曰雲崖軒其為詩云不用窮探費杖藜隱然林壑挾城隍曾遵月洞千巖上更看雲崖一段竒拂拭軒窓容俎豆發揮泉石借聲詩瞿

曇頗似知人意已約梅花帶雪移口范成大復水月洞銘并序云水月洞刻灘山之麓梁空踞江春水時至湍流貫之石門正光如滿月樣光景穿映望之皎然名賓其實舊矣近歲或以一時燕私更其號為朝陽邦人弗從且隱山之洞既曰朝陽矣不應相重乾道九年秋九月初吉吳人范成大蒲田林先朝攷古揆宜俾復其舊成大又為之銘曰有嵌孱顏中淙漲湍水清石寒圓魄在上終古弗爽如月斯望灘山之英灘江之靈復其嘉名題名曾布陳倩苗時中劉宗傑齊諶劉誼宋元豐二年

中秋遊淳熙乙未歲中秋日廣漢張敬夫約長樂  
鄭少融玉山趙養民同遊水東諸巖薄暮自松關  
放舟泊水月洞天宇清曠月色佳甚因書崖壁以  
紀勝槩臨江曾宏正崇仁吳湜廬陵陽壽真三山  
陳華子羽士李可道同遊子公邁公迨侍淳熙癸  
卯九月望桐廬詹儀之以淳熙戊申四月辛巳同  
臨賀別駕涂四友欽陽守陳昭嗣前桂林郡文學  
陳邕泛舟訪水月洞登訾家洲時亭榭一新江山  
改色懷古攬勝觴詠忘歸後一月辛酉約幕屬陳  
邕唐庭堅雷霆憲屬陳東漕屬黃奕余偁劉三錫

來尋盟延陵吳宗旦宜之新安朱晞顏子淵冒雨  
泛舟水色正碧洞月宛然若望冰輪於雲峰缺處  
舉盃酌月迺還紹熙改元授衣假丹陽張全以紹  
熙甲寅正月四日集賓僚廬陵胡槻相臺王思詠  
吳門范藻臨川董居誼新安汪楚材郡人滑懋於  
報恩寺之脩然亭食已泛舟龍隱遂過訾家洲訪  
水月洞登慈氏閣從容竟日而歸淳熙丙午先公  
吏部通守是邦戊申春拜欽陽太守時連帥桐廬  
詹二卿與先公為道誼交不以吏屬視一觴一詠  
莫不與焉疇累侍膝下年未冠今四十五載矣紹

定己丑疇自零陵守蒙恩再昇節來南登桂嶺四望簪帶宛然白雲何在情已不能自勝歲餘幸所部相安得以暇日携南華游水月洞細覽懸崖上有詹與先公所識歲月愈愴然於中己紹定庚寅五月朔男朝散大夫廣南西路轉運判官疇百拜拂塵孫將仕郎成之秉筆吾閩衣冠甲天下游宦於桂林者一時為盛經幕三山卓犖子用紹定辛卯菊節會同里二十有一人同幕趙繇夫仲至林文誠公著憲幕李遇用之漕幕陳夢庚景長林應辰振老趙希鄂中韓薛之鑑明叟奉檄至者郭岳

伯崇陳該一彥博方禹錫文瑞李士煒華國趙必取世穎王震定東父柯楚伯翹林顥景程林機次樞鄭公望希呂調銓者陳士吉一卿趙希璫宗美陳應龍翔卿聯轡湘南登千山憇簪帶把棲霞七星之秀薄暮舍策泛舟由龍隱涉訾家洲夷猶水月之下把酒賦詩人物與衆山俱清情無涯而樂亦無涯也贛曾原一汴趙希圉淳祐壬子上巳盤薄水月詠南軒遺篇光霽熙然懷哉若人雲崖二直書旁有佛像下鐫唐僧智深為合浦令呂興造佛像記朝陽洞三篆字張孝祥書水月洞三字谿

園居士書谿園乃宋靜江卒吳億之別號。雉山在離山南二里有宋里人劉晞大書雉山二字南渡後虞使君沉字叔子嘗守雷州避地於此桂州陳方彥以其地界之故有虞使君宅基山東北麓下欸江水其上側起有昂首欲飛之勢巖自南入稍深詰曲可七八丈倚山南望見灘挾陽江與彈丸南溪諸水澔漾長邁瀾縈灘迅縹緲天際有宋諸公當日宴集禊亭青羅閣遺址宋黃照詩為愛空門息世機儒衣不着着僧衣淵魚林鳥已聞法更待當年瑞雉歸鄒浩詩客睡當年記雉山杜鵑

聲切枕難安今朝歸向山頭過不見杜鵑空夢殘

**題名**轉運使屯田外郎蘓安世與進士趙楊來遊并男台文祥文炳文彥文侍行乙未三月二十三日大宋治平元年臘後一日運判孔延之具舟按部因率通判范子明機宜姚原道知龔州丁錞飲餞於雉山提刑余藻書巖石以紀武陵張頡仲舉甬上苗時中子居洛陽劉宗傑唐輔吳興劉誼宜父七日自真山觀來遊元豐元年八月轉運使朝散大夫直集賢院陳倩權提點刑獄奉議郎彭次雲權提舉常平奉議郎齊諶權發遣提舉常平通

直郎劉誼元豐二年十二月十七日同遊元豐辛酉歲孟夏二十三日君美會仲舉仲隱施元子期自壽寧早膳泛舟晚飲雉巖是日仲隱被旨還使湖南李時亮題通直郎經略司管勾文字李孝中全叔永寧簿吳朋彥周元祐二年九月七日來遊元祐六年三月二十四日自逍遙樓出桂江泛舟至雉山觀巖祠微雨不可登絕頂沂流過壽寧復還逍遙置酒高郵孫覽溫陵謝季成漣水孫傑荆渚朱袞宣城董必曲江譚挾劉瑋同遊汴陽高士勤得修許賓元忠崇寧二年七月初四日同遊程

子立安撫邕莞周公議許元善范貴之張通甫張景通蘭大冲柳成甫李端臣洪仲達程聖欽范少房同通叟飲餞雉山崇寧壬午季夏望日東柳程建子立崇寧甲申清明前一日挈家遊男徹術行侍行鄱陽程欽之率龍舒劉成之汶陽梁晦叔淄川范貴之臨川徐伯應鄱陽萬彥亨劉長孺南康范少房南海張守道同遊男昇侍大觀戊子九月望旦張子修農子源王君錫宋義夫何由道張方仲侯伯壽餞客來遊大觀庚寅九月二十一日政和二年三月二十七日南郡唐晉德携家遊男鋼

銖銓錫侍行建安謝勳信都李温古原田永年長  
沙裴嶢廣陵楚執規淮海楊書思政和癸巳孟春  
晦日同來端臣適用聯袂凌顛景歎幽叢岑然吸  
酪奴為無方遊維摩丈室盖自生白政和丙申李  
秋次朔社賢萬劉資中張方仲自龍隱過雉山政  
和三年三月二十日清湘唐孝稱宗舉開封劉若  
愚真夫若水幾道乘暇登永寧閣復飯雉山紹興  
丙申重九日元壽携家來丙寅仲春十有四日肥  
鄉胡彦温以職事約束提鹽會議蒼梧桐廬詹體  
仁招三山熊景瞻飲餞於雉山之禊亭雨餘江山

如洗樽俎無復暑氣檢校陳述一別盖六年矣縱  
步巖广景物尤勝勸酬歡甚淳熙十有一年夏五  
月甲寅莆田李子凝甲戌九月二十八日東還刑  
使檢詳餞別於此豫章李大異帥桂之三年勸農  
於廣壽寺是日春和景明天氣清淑因從容禊亭  
遍觀前賢鐫刻過午而歸通判翟野胡規臨桂令  
斛邁偕來嘉泰改元仲春望日○鬪鷄山在雉山  
東水口即彈丸溪合灘處其上有山竦身昂首若  
與西岸山豎麾羽作鬪狀山半有穴南北橫貫故  
以穿名或題曰空明宋胡槻名日月巖趙師恕詩



睠此巖壑勝領客共登臨危機臨不測噫塗歷巖  
嶽俯仰極高低上下窮幽深來登空明山千崖正  
沉沉下瞰青羅江古木鬱蕭森清風萬里來層雲  
盪孤襟有客可共賦有酒可自斟此景豈易得此  
樂豈易尋吾生今老矣遁跡歸窮岑○從關鷄山  
北水口入是為南溪諸峰環合四壁削懸煙翠黝  
蒼著衣如染曰玄巖曰白龍洞唐李渤所開築巖  
洞之前溪水澄碧中有泉出是為新泉臨桂雜志  
云白龍洞口有石屋一區循左壁行半途有小石  
室洞頂石罅折裂似龍蛻者瓜甲宛然陟玄巖有

李渤題名入洞漸高縈曲旁達有石橋石室其盡  
處小竇通光下視即劉仙觀曩有階級可通道流  
厭遊人之擾乃毀去之劉仙巖之下則穿雲崑也  
以有仲遠足迹名曰仙迹巖劉仙崑前有道觀長  
松落落據牀小憇輒作蕭疎之狀崑高數十仞深  
入百步內重門幽徑迴環窈窕似斷復通石乳瑩  
潔參差矐矐傍多玉池玄井洞西有曲斗潭流注  
南溪水面浮花黃色又名金蓮港李渤玄巖詩云  
玄巖麗南溪新泉發幽色巖泉孕靈秀雲煙粉崖  
壁斜峰信天挿竒洞固神闢窈窕去未窮環迴勢

難極玉池似無水玄井昏不測仙戶掩復開乳膏  
凝更滴丹砂有遺址石徑無留跡南眺蒼梧雲北  
望洞庭客蕭條風煙外爽朗形神寂若值浮丘翁  
從此謝塵役題名假守呂叔恭拉機宜劉子思監  
群朱國輔經屬陳朝彥自中隱巖過白龍洞叔恭  
之子大鈞侍行紹興甲戌李春七日朱晞顏慶元  
改元寒食陪都運寺丞遊白龍洞時牡丹盛開小  
酌巖下夕陽西度並轡而歸白龍山在桂城東南  
登山之西而至其洞深廣可數楹石之穹窿隱然  
若神物化去而留其跡洞之名蓋亦舊矣元祐已

已二月八日上黨苗子居歷陽高時仲金陵李師  
正黎陽吉鄰幾乘暇以遊愛其佳趣因刻於石會  
稽關蔚宗題上饒潛潛禮濟北段徵之毘陵胡茂  
方同郡樓元弼武夷葉振卿紹聖乙亥秋九月中  
澣遊湘陰彭子民陶達王長孺洛陽席貢從詔使  
部還桂同遊白龍洞己卯春公輔公密侍親遊春  
來此政和辛卯李春旬休日南郡唐晉德携家同  
遊男鋼銖銓錫侍行政和二年三月二十七日題  
李景言王子舉渭之昭淳熙丙申立夏日同遊陳  
正仲銓訖之官王景醇林亨仲飯餞於乙卯仲冬

慶元丁巳立秋後三日同幕集觴於此豫章王岳  
次山溫陵趙庚叔初長沙陳克仁壽卿長樂陳昂  
中定謨臨川楊文明仲藻慶亭翟子楚歲在庚申  
重五休務日携家往尋巖洞之勝暑風清微涼氣  
襲人徜徉終日不知夕陽之在山也長沙李勁正  
臣胡持正雅叔唐嶸次山朱佐君輔蕭仲仁元之  
嘉定甲子端陽日憇此嘉定辛未中元後四日計  
臺臨汀楊公子直復出按未歷之郡憲臺括蒼管  
定夫帥守濟北李誠之載酒白龍洞留款先是去  
夏六月大暑公初行郡亦嘗觴此夫仕而南多鄙

夷其民怠忽廼職使者間畏矣毒未嘗一踪按部  
公連歲犯暑殆遍走二十四州尊年精明人所難  
及父老有迎拜而問者曰使家壯也何用而見用  
於遲晚近也弗留而宥留於遠外吾儕領民懷私  
惠而勤勞使家一至於斯公呼而謝之曰上有命  
老弗容辭遠弗敢憚懼我之矜汝者或有未至而  
汝之憐我者姑置勿言遂一笑登車既行勒茲語  
於巖石用告我同志云東萊呂祖异長沙王濟美  
自千山觀聯騎來遊嘉熙初元正月二日口桂故  
云有郭顯者不知何所人居南溪之劉仙巖一稱

住山道民一稱南溪郭顯然卒無可踪跡之者獨  
 有南溪卜居銘首言士大夫以金虜之故多南還  
 似避地桂中張孝祥集有同郭道深訪朱元順所  
 居清巖或曰道深乃顯字云○淨瓶山在城南十  
 里勢如顏雲西面襟江中有小洲浮起如印其山  
 有洞懸石如張蓋垂垂下覆傍窺則似衰荷敗葉  
 因名蓮葉洞從蓮葉下再穿一洞石筍下垂司三  
 丈餘離地僅尺許俗名仙蔗洞○伏波山在伏波  
 門外山東劃江巖亦東嚮初景微射先燭巖室漸  
 晃潭壑孤峰郡木如出潭裏遊舸多集其下唐時

有伏波廟頗

虞衡志云伏波巖突

然而起且千丈下有洞名還珠可容二十榻穿鑿  
 通透戶牖旁出有懸石如柱去地一線不合俗名  
 馬伏波試劍石前浸江濱波浪洶湧日夜激盪之  
 宋章峴詩江瀾洄洑齧山根山裂巖開石室存恠  
 鬼夜呼千嶂黑蟄龍晨起一川渾金沙試決通泉  
 脉翠壁閑題破蘚痕三伏幾人逃畏暑豈惟河朔  
 有清樽崔靜和韻古木纏溪出亂根四時香火廟  
 空存人家曉聚息鴨亂水恠夜翻星斗渾靈洞仙  
 遊雲自鎖陰崖龍去石生痕幸同軒從乘餘興酣

醉清時酒一樽題名知桂州兼經畧安撫陸誥提  
點刑獄公事余藻轉運判官孔延之兵馬鈐轄白  
均徐印新知鬱林州姚原道經略司勾當公事劉  
恕治平二年立夏後二日會於此藻題南陽達夫  
會稽蔚宗清江志康熙寧壬子八月望日同遊潘  
景純米黻熙寧七年五月晦來龍石會人龍圖閣  
侍制知桂州曾布子宣轉運使尚書度支郎中直  
集賢院陳倩君美副使殿中丞苗時中子居提點  
刑獄太常博士劉宗傑唐輔提舉常平秘書丞齊  
諶子期管勾常平前江上縣丞劉誼宜夫元豐二

年六月初三日

彭次雲歷陽齊諶

吳劉誼元豐三年十二月二十四日同遊泂波巖  
後二日大梁和斌獨游王軾題曲江譚挾弟拱抃  
湟川蕭汝朗同游紹聖丁丑孟秋二日文初題朝  
請大夫直龍圖閣知桂州兼經畧安撫胡宗回醇  
夫朝奉大夫轉運副使程節信叔朝散郎提點刑  
獄梁子美才甫奉議郎提舉常平譚挾文初累會  
泂波茲巖勝絕在桂林洞穴之上紹聖三年十月  
二十二日管勾書寫機宜文字胡義脩奉命題泂  
泂程子立被命西邕兼將黃忱君錫餞別於蒙亭

時元符己卯孟夏既望鄱陽程節信叔曲江譚挾  
文初臨川劉蒙資明全魏董遵守道廬陵曾鎮次  
山自八桂堂過泐波巖啜茶遂遊龍隱洞辛巳清  
明前二日謹題乙未元日端臣隻遊曹聖邁黃彦  
劉秉文李端臣蹠躩青驄穿綠楊擷芳蒞挹滄瀾  
與春工相忘無何鄉政和丁酉絕煙節清源劉鎡  
逢時膠州葵懌樂道晉汪呂汴子會祥符馮元震  
亭之襄陵侯林晉卿蒼溪王蕃子宜自湘南樓泛  
舟過泐波巖避暑抵暮而歸宣和己亥六月十六  
日李昇之譚振尚肅之黃鐸同遊桂林富有巖穴

而盛暑易於來遊者唯東巖冠之宣和庚子六月  
二日三衢毛子嘉率天台周文虎睢陽張君原四  
明林苾民巴陵黃師心三衢徐伯材會飲於此翌  
日天台周彥佐復携酒與昨諸公偕來獨文虎伯  
材不至而宜陽吳廷貺與之建安練山甫補官宣  
和乙巳寒食前二日携家來遊子宗袞宗元孫應  
侍行甥潘希孟秦命書經畧安撫蔡懌同提點刑  
獄尚用之轉運判官黃鐸轉運判官曹邁提舉常  
平王舜舉廉訪使者練山甫早飯靈隱過曾公巖  
栖霞風洞烹茶晚會於泐波巖抵暮而歸時宣和

乙巳季春初十日題晉江呂成之詣樞府稟議紫  
洲李域建安呂著長沙李服休都嶠陳覺湘潭吳  
芾飲餞於伏波巖時靖康初元季夏四日孫仲益  
自桂山還晉陵桂帥率二漕憲車餞于八桂堂劉  
立道陳景淵董令叔趙少隱與馬紹興四年十月  
二十一日溯陽劉昉方明自蜀還鄉寓八桂堂治  
舟汎波巖下追念昔為兒童侍先子官於此邦始  
至以政和乙未之秋而其去以宣和乙亥之春今  
三十年恍如一夢感歎之餘因識巖壁庶使後有  
考焉男汶渭溱孫男駒騎鸞鵬鴻外孫葉騏侍行

紹興戊辰六月中澣方明以戊辰六月登舟東歸  
翌日解維泊雉山又翌日聞命復帥湖南遂還八  
桂辭不獲命改轅而北以十月二日啓行赴鎮是  
用再勒于前題之左方浚儀張璿溫之被命前來  
經畧施大資止之八桂堂五日復還武林因暇縱  
步來觀是巖紹興丙子未伏前一日宋公玉歸豫  
章王壽卿姚周卿田子謩張子真子斐程善道黃  
德制王儀之滕彥真飲餞於此乾道己丑六月十  
七日秦舜卿李南夫淳熙甲午重陽日來遊方信  
孺楊志李閔祖嘉定同遊嘉熙改元初伏後一日

廣西名勝志 卷之一  
長沙雷文瑞祥仲趙師鐸舜臣劉應定直甫羅仲  
孺巨卿黃岡徐敏子銜命措度南州館穀於巖側  
四明戴奕長沙韓夢發寶婺周翦星渚馮弼外孫  
上饒尤日新侍時淳祐丙午仲春下澣淳祐丙午  
立冬後七日廬陵劉受祖之蒼梧艤舟泐波巖下  
蘭谿趙立德成以寶祐甲寅歲閏月十有一日携  
家東歸艤舟還珠洞至二十一日遊徧諸巖即行  
長沙胡德新盤叔泛灘歸湘猶子克紹同資中郭  
又新居安及鄉人周德明清叔梁世賢國佐鍾  
子浚鄭益讌遜伯飲餞癸水亭裴回巖下笑談竟

日執別煙雨中寶祐乙卯元宵後一日覃懷李曾  
伯長孺以淳祐己酉來牧是邦越十年再開制閩  
屢至此洞每輒煮泉淪茗裴回竟日令人起濯纓  
之想不知身在飛鳶跼跼墮水處也蓋參山帶水  
勝絕天下而此洞又居參帶之勝舊有癸水亭因  
城築令更為之男杓杞杵孫國華侍景定庚申首  
夏二日謹識眉山朱景行以咸淳戊辰十二月三  
日登舟於此吳興陶定安世來遊甲申冬十一月  
初張唐輔吳正禮同遊劉舜舉張子容子真子安  
胡宗周同來庚寅三月中澣靜江軍三大字集賢



殿修撰熙河蘭岷路經畧安撫兼知熙州鄯陽鍾  
傳書寶文閣待制知桂州兼廣南西路經畧安撫  
使鄯陽程節上石正夏堂三大字隸書吳郡范成  
大立睢陽杜易書○木龍洞在癸水門外北去伏  
波巖四百步許西望疊綵巖僅百步也孔道通行  
如砥如矢驅車飛蓋綽然而餘旁後有小洞相通  
○七星山渡江而東望見峯巒駢列如星象然中  
有棲霞洞唐祀玄元老子於此有古像相傳明星  
所寘洞前有慶林觀又曰東觀風土記云東觀距  
府郭三里隔長河其東南皆崇山巨壑綠竹青松

峒崆幽奇登臨險易不可名狀有石門勢甚襟束  
秉燭行五十步洞穴始坦平如毬場可容千百人  
如此者八九所約畧相似皆有清泉綠水乳液葩  
漿恠石嵌空龍盤虎踞引燭綠涉竟口而還終莫  
能際相傳云昔有人裹糧深涉而行還計其所行  
已及東河之下如聞棹楫湍湍之聲在其上又以  
為通九疑山唐張固遊東觀詩巖岫碧潺顏靈縱  
若可攀樓臺煙靄外松竹翠微間玉液寒深洞秋  
光秀遠山憑君指歸路何處是人寰從事盧順之  
於東觀席上贈張侍郎渡江旌旆動魚龍令節開

簷上碧峰翡翠巢低巖桂小茱萸房濕露香濃白  
雲郊外無塵事黃菊筵中盡醉容好是謝公高興  
處夕陽歸騎出疎松侍郎固和云亂山清翠郡城  
東爽節憑高一望通交友會時絲管合羽觴飛有  
笑言同金英耀彩晴雲外玉釭凝霜暮雨中高詠  
已勞潘岳思醉歡慙道自車公無名氏紀遊詩云  
瑰竒恣搜討貝闕青瑤房方隘疑永巷俄敵如華  
堂玉梁窈浮溪瓊戶正當窓仙佛肖彷彿鐘鼓鐃  
擊撞聶聶左顧龜信信欲吠龐丹竈儼亡恙之田  
靄生香搏噬千恠聚絢爛五色光更無一塵浼但

覺六月涼玲瓏穿屢析詰曲通三湘神鬼若刻刻  
乾坤真混茫入如深夜暗出喜皦日光隔世驚瞬  
息異境難揣量口宋范成大碧虛亭銘并序曰唐  
鄭冠卿遇日華月華君於栖霞洞與之笛不能成  
聲傾壺飲之僅得滴瀝獨記其贈詩二篇出門見  
米樵者問曰祠中樂乎跬步亦失所在吳人范成  
大小築其處以識幽討按詩卒章云不緣過去行  
方便那得今朝會碧虛即以為亭額且銘之曰空  
洞維石中函碧虛誰歟知津有翹負窈我來扣門  
兩翁在否雖不能笛能醉我酒為君作亭表巖之

扁名翁所命而我銘之題名河間俞獻可上谷燕  
 肅趙郡李誥聖宋天禧二年秋月中元同遊慶曆  
 四年甲申九月二十三日辛巳廣南西路提點刑  
 獄尚書虞部郎中隴右李承德尚書職方員外郎  
 知桂州汝南周駸尚書都官員外郎新知永州榮  
 陽潘衢轉運判官太常博士安定梁戴同遊曹聖  
 延李端臣躩雲磴摩星魁倚筇少憇於此丁酉七  
 夕前三日經畧安撫蔡懌樂道提點刑獄尚用之  
 仲明廉訪使者張洵仁仲宣和甲辰八月初八日  
 同遊紹興六年丙辰歲工九日八桂龍躍并宛丘

唐全同判仙李記到此因而刻題方域張淵道晉  
 陽路質夫贛州曾吉甫桐廬方務德潮陽劉方明  
 紹興戊辰六月丁酉同登七星山紹興丁丑正月  
 己巳府縣官屬汝陰張好禮定叔開封李喬元傳  
 之睢陽王處存子安洛陽楚偃師言長沙吳延年  
 永錫壽春魏美言李及温海戴子琦君美清江楊  
 獬正伯休務相從尋春於訾家洲訪程公巖入栖  
 霞洞憇於黃氏之園極一時觀遊之勝繼至者二  
 人開封賈戒之公戒柯山陳梁伯初余素有山水  
 癖游宦江浙逾二紀明峰繡川歷覽幾盡飽聞八

桂巖洞之奇恨未能一到得郡鬱林因携家謁清  
惠祠泛舟過龍隱食已入栖霞洞洞深窈窕數里  
不能極其涯既其相羊石扉宴坐終日野雲飄素  
練群峰錯蒼壁超然頓忘俗慮信壺中有天語非  
虛誕又疑飛空步霧乘風駕鶴而來想仙島蓬宮  
不異此也隆興初元七月十七日三槐王定甫之  
書會稽諸葛國瑞永嘉林騰遠偕行乾道癸巳重  
九吳人章潭邃道范成大至能携家同登七星山  
遂遊栖霞水月諸洞鄭少融趙養民李正之范至  
能落壺天觀還會碧虛淳熙元年范至能赴成都

率祀元將王中顯游子明林行輔周直夫諸葛叔  
時酌別碧虛淳熙乙未二十八日增城崔公正子  
被旨奏事以癸酉上春下澣舟行先一日括蒼管  
定夫濟陽李誠之會飲於湘南樓已而遊屏風彈  
子巖栖霞洞泛舟龍隱歸集於翛然亭時積雨新  
霽風月較美清流碧巘隨處呈露黃童白叟夾道  
咨嗟蓋公持憲甫暮年而行部之日居半未嘗足  
歷巖洞及茲召行肯為一日留酒行加嘆曰天下  
巖壑稱誦此地誠亦希有人生臭味投合此會長  
未易得景物人情覺相愛戀其為我鏡此語於巖

石他日以墨刻寄似尔足以慰所思云吕偉信留  
 桂林五月九山水之勝無不登覽於其行也蔡顏  
 仲具酒率韓弼時蔣商澤同遊以別陰雨淒涼倍  
 有離群之念癸卯九月二十日淳祐辛丑六月二  
 十一日昭武謝達叔達金華劉泳清叔臨川羅愚  
 季能遊江右蕭澥曹朋年周復明來遊萬必達淳  
 熙改元仲秋九日獨步壺天觀回憇碧虛伏讀鄭  
 君事績長嘆二真景昔時之集今獨何異於愚也  
 敬書口玄風洞去棲霞旁數百步有風自洞中出  
 寒似水雪提刑曹輔于玄風洞有遇歐陽晦夫詩

晦夫名闢靈川人宋柳開玄風洞銘并序云出桂  
 城東抵慶林觀背山下有洞出風淳化元年開知  
 州事往避秋暑因刻銘於洞左曰桂東叢峰洞穴  
 空通淒肌森襟沒骨浸心瑩雪若潔凝冰若冽暑  
 宇如燠周陬流毒其何如斯為能安之嶺山峩峩  
 嶺水湯湯亘古綿今氣炎土荒物爽爾情候乖朔  
 節夏雨多涼秋早多熱春裘冬扇朝順夕變反側  
 無恒大癘相仍我來洞中百慮時窮儵然自釋忘  
 歸終日勒銘巖石用紀罔極題名程節信叔張景  
 温敦直董遵守道許端臣中甫元符三年五月十

九日遊政和壬辰季秋丙子經畧安撫使王先之  
邀轉運副使陳道夫提點刑獄唐夢傳提舉學事  
陳質夫提舉常平陳從道走馬承受陳明遠轉運  
判官唐晉德蚤集東禪寺飯於安樂堂煎茶少憇  
遂過玄風洞宜春曹邁聖延廬陵李彥弼端臣凌  
商衢絕端桴挾隨車之霧潤探空穴之薄膚於是  
七雲子甌酪奴討文囿之菁英研道樞之虛無恍  
契夫禦寇之冷然歟翔乎寥陽之清都政和七載  
丁酉七月上澣日李昂霄奉命書來風亭落成少  
隱置酒會者幾人立道景淵令升汝弼仲益紹興

甲寅七月十一日○彈丸山以山下出石子磊落  
如彈故名按水經注云灘水又南合彈丸溪水出  
於彈丸山是也湧泉奔流衝激山堪及谿中有石  
自然珠圓故取名焉山有二巖皆北向左巖廣可  
九筵石斜覆若竒雲垂垂欲壓右巖廣可三室東  
西兩洞如東西廂下有彈丸溪水入于江宋陳儻  
詩地迥山竒恠神仙喜穴居百雲剝洞巧五石補  
天餘商野幽人夢周南太史書心乎愛丘壑勝槩  
一躊躇括蒼梁安世題云諸巖多竒觀獨少寬平  
縱步之適惟彈子巖前有地百餘畝水竹窈窕環

以遠山經畧看山劉公焯始買地為圃隔橋築亭  
仰觀崖石如坐冷泉對飛來諸峰遂為桂林勝遊  
之最淳熙庚子中秋日會於靈隱亭登舟貫龍隱  
得雨甚涼沂流酌於水亭上醉荷香而歸江西鄉  
人同仕於廣右者十有二李蹊成叔郭有憑克誠  
潘修文叔李石韞玉徐夢莘商老王琛季父張坦  
明仲蔡詵子羽陳公璟師宋魏沐薰父王恩詠詠  
之孟浩養直淳熙重光赤奮若仲秋中澣講鄉會  
於湘南樓過彈子巖題石淳熙九年歲在壬寅暮  
秋初吉七閩熊飛景瞻以憲事行部至桂林與鄉

人官遊者李暮東暉李攔伯廣王葵欽之陳閱周  
卿上官駿子聲鄧夏卿仲華吳三錫寵卿吳榮漢  
老楊延季洪卿陳璧廷珪鄭霆希聲潘元震子聲  
陳光祖昭遠吳孝友次張趙冲虛申莊漢輔李之  
蔣孟震震卿朱禾仁叔陳鷹定夫會於諸洞以續  
庚子之盟與者濮陽馬演李長青社鎰良弼傳鳳  
臨川蔡詵子羽桐廬詹體仁三山林真隅遊龍隱  
曾公栖霞彈子諸巖洞天霽氣和徜徉終日第憲  
車行部不得同此樂也淳熙乙巳正月中澣蒲陽  
陳謹正仲自三城辟守懷澤就銓計臺仲子璉侍

行臺府賓佐移尊水東盤薄松闕歷覽曾公栖霞  
彈子諸巖洞同遊者十二人北嶽王宗孟景醇泉  
山趙庚叔初林子蒙亨仲廣平李正夫頤老廬陵  
董世儀子羽建安鄭繼勳少周劉褒伯寵臨川楊  
汝明仲藻西安徐詡叔虞金華宋姓茂叔新安朱  
權聖與長沙李魯玉伯溫時連雨忽霽寒氣亦斂  
景物呈露極驪乃歸慶元冬十一月二十有六日  
開禧改元季冬中泝東都趙善恭作庸頌兗曹汝  
洌汝瀧汝浸汝渲來遊媚昭武謝寧孫鄧友直外  
孫謝澣鄧筠侍行。○龍隱巖在七星之右山脚入

谿水中桂勝曰七星迴映並薄青旻龍隱分道宅  
南自表遊者刺舟轉碕入竇見其上石裂長數丈  
作鱗甲形登岸綠麓則有大巖如排高門坐堂皇  
可以廣宴山椒有滴玉泉點點墮石穴中琤然作  
清響宋人來遊酌石溜試新茗即此襄陽耒蒂以  
詩送教授推官李彥弼兼簡桂帥程節節亦有詩  
荅之彥弼將蒂與節所荅詩并鐫之方信孺五言  
古風春波飽微綠斗柄函空明方舟貫巖腹鵝鶴  
相酬鳴仰窺穹窿頂宛轉百恠呈下闖清冷淵演  
迤萬頃澄但同魚鳥參勿遣蛟龍驚挾苔撫奇篆



倚棹看題名太虛可為室豈復資欒楹乳泉助茗  
椀中有冰雪清何須驂鸞去此即白玉京又題石  
門元不鎖巖屋本無基九夏花猶在千年樹倒垂  
僧閑方定起客到每歸遲甚欲眠蓬葉沿崖續繼  
碑章峴詩吏局區區得暇難倚崖高閣暫登攀群  
峰半出重林外小艇橫浮一水間霜葉信風隨馬  
逝晚雲沉石伴僧閑夕陽欲下猶迴戀更鼓清琴  
數弄還丁未上巳重遊溪干舣棹訪巖扉危磴攀  
緣不欲歸垂乳滴聲當佛座宿雲留潤在僧衣聊  
開楔席臨流水閑擲文竿到落暉旅宦天涯甘寂

寞送春無意惜芳菲朱晞顏暇日過龍隱山有以  
千葉白梅獻者輒成鄙句云素艷重重疊雪輕先  
春不怕雪霜凝人言五嶺地皆熱誰折一枝寒欲  
冰似笑疎花太孤瘦故教密葉擁千層湘南別有  
新春樣拚醉花前喚不應○屏風山在圓通灣平  
野之上山形折疊故以屏名灣水紆滴下接彈丸  
溪巖深十數丈地漸高起似築臺其上上有石如  
鐘墮地躡石磴盡天光射入為後小門范公成大  
表以空明文又於外作壺天觀自為之銘并序云  
凡洞穴皆幽閣偏夕秉燭而遊唯屏風巖高廣壁

立如康莊大厦延納暉景內外昭徹石湖居士名  
之曰空明之洞銘曰心塵日華三昧現前我提一  
壺彌羅大千無有方所四維上下此三昧門溥施  
遊者張孝祥詩高巖劃天開徑通乳穴隈堆青  
螺髻端嶠白玉闕外有兕豹蹲中恐蛟蜃蟄東榮  
俯雷電西出挾日月萬壑來悲風六月不知熟平  
生山水趣嶺海最竒絕洞府二十四未厭屐齒折  
晚乃遊此巖餘地比僕妾同來六七士嗜好頗相  
埒舉酒酬山神慰汝久湮滅題名桂林巖洞冠天  
下而此巖最清絕又五嶺之冠也延平鄧公衍彥

達宜春藍茁文穎秦臺西門賁進賢平陽丘阡仲  
通建炎戊申天中節日來遊經畧安撫建安周與  
道提點刑獄江東程巨用廉訪使者開封侯晉卿  
建炎二年十月初五日同遊許中甫遊慶林來此  
庚辰六月廿八日題李似之林德克許師仲兩仲  
同來乾道丁亥十一月廿有四月明來秋七月甲  
子師仲與二水唐德柄三衢劉公實復來後三日  
再至○湘水巖在城東三十里俗呼聖水巖夜半  
則潮上巖日中則潮下巖每日如常畧不愆期地  
廣數十畝水經注所云潮汐塘也○虞山在城東

北三里灘水漾其左黃潭縈其後下有洞曰韶音  
入洞面潭水石清漪師名皇澤灣老洞南平原舜  
祠在焉前則古松數十株樛枝密葉交撐互擁圓  
若軒蓋長若旌幢彷彿有駕蒼虬翼翠鳳遠巡南  
表之狀於後重巘上盤平障倒列又若負宸而南  
響矣舊有舜亭在黃潭上唐任華送祖評事赴黔  
府序云出餞何許舜亭峩峩凭楹窺龜龜之窟酉  
酒滴魚龍之背也風土記云舜潭遇旱禱雨張旂  
震鼓輒應中有大魚遇洪水汎下至府東門河際  
停宿巨舫往往載起然終不為人之害按張曲江

集九齡謁虞帝廟自為文不具錄後大曆間李昌  
巖重加脩飾為勒摩崖碑于上宋之間桂州黃潭  
舜祠詩云虞世巡百越相傳堊九疑精靈遊此地  
祠祀日光輝裡祭忽群望丹青圖二妃神來獸率  
舞仙去鳳還飛日暝山氣落江空潭靄微帝鄉三  
萬里來彼白雲歸張栻韶音洞記由舜祠之後不  
十步至虞山下有石門可窺入其中則虛明以長  
仰而視之石去人僅尺許色清潤可愛瞰其旁蹲  
踞蜿蜒如虎豹龍蛇者皆是也行其中百步餘望  
北牖清江橫其前下臨深淵所謂皇澤灣也始栻

既新帝之祠得新安朱熹為之記命工人度山之  
崖磨而鐫之偶發石而得斯洞鑿其下石之齧足  
者剪其林薄之翳目者而地之勝有若天成焉名  
之曰韶音洞蓋淳熙三年秋也洞之深凡十有三  
丈廣二丈有奇牖之外少西有地隆然而高為臺  
可釣明年秋又於洞之左得小丘平曠桑鎧江出  
於左凡桂之山槐奇傑出者悉獻其狀作亭於上  
名曰南薰之亭於是祠之前後皆有覽觀之美來  
拜祠下者已事而退又得以從容而遊息焉題名  
淳熙乙巳九月二十有九日大閱前一夕雨會朝

開霽旗幟明人馬盛弩力勁皆新創也士練有素  
各以技逞實一時壯觀桐廬瞻體仁以明日招三  
山熊景瞻林德隅出郊歷韶音洞登釣臺天氣增  
爽言宴清適盡可人意屬景瞻有移節江東之命  
舉酒相屬又使人不能無恨然○立魚峰高數十  
丈純石紅紫色若魚形逞立在韶音洞西舊有中  
峰寺寺有古像徵于碑碣蓋盧舍那佛之所報身  
也緣磴而上絕頂群山如瑤簪玉筍森然在目唐  
人登高於此○明月洞在立魚峰南鳥道陟險捫  
蘿而升洞去平地數千尺外溢中宏周如繭室可

容十許人寢處旁通甕牖牖外方石丈餘其平若  
砥下視來徑歷歷不爽西向因巖構宇佛子居之  
○堯山界在靈川去桂城東北十五里積土盤迴  
參差帶石長竟數百里為桂諸山之冠陰雨將及  
先有白雲起其中冥濛漸合飄灑隨至山徑多松  
松罅望見兩掖有石巖在其下道詰曲處土人云  
靈官頭上有平田曰天子田因堯以名劍江之源  
出馬合彈丸溪至穿山口入於灘一名靈建江山  
頂有白鹿禪師菴相傳唐開元中僧元康者以經  
論應詔將還山玄宗賜以異國所貢白鹿故名按

後漢書始安侯國其下注引始安郡記曰東有駁  
樂山遼山豈遼訛為堯白鹿即駁樂皆以其聲相  
近故耶風土記云堯山在府東北隔大江與舜祠  
相望山有廟絕靈四時公私響真不絕相傳為秦  
時建唐軒轅彌明謁堯帝廟詩祖龍開國盡遐荒  
廟見唐堯鎮此邦山卷白雲朝帝座林疎紅日列  
仙幢巍巍聖蹟陵崧嶠蕩蕩恩波洽桂江瞻仰威  
靈共回首紫霞深處鎖軒窗宋張栻謁堯廟詞溪  
交流兮谷幽山作屏兮層丘木偃蹇兮枝相樛皇  
胡為兮於此留謁冠佩兮充庭潔芳馨兮再陳純

衣兮在御東風吹兮物為春皇之仁兮其天四時  
序兮何言出門兮四顧渺宇宙兮茫然○辰山在  
城北東渡三四里堯山所徑土人名曰虎山中巖  
重起畧似中隱宋有士人劉晞家其下桂帥李大  
異嘉晞有隱操以蟄龍擬之因用名其巖詳具晞  
子若居顯所鏡諸詩中舊志云山有三巖下巖初  
入昏黑行十餘步乃明豁石室穹然坐三十餘客  
巖扉西向下瞰平野山川城郭瞭然在目自扉左  
登陟蹬百餘級至中巖乳石竒恠可駭可愕又由  
閣道至上巖巖之巔有小亭放目天際吳濛香靄

不可窮極嘉泰初士人劉升之始出此巖於荒第  
中遊者驚詫以為桂林諸山之冠相傳升之為諸  
生日呂帥愿忠招見任寄居士喻以秦城有王氣  
俾各賦詩以謫檜升之獨不從人服其抗節云題  
名趙悅道翁子東李叔逢余仲庸鍾定叟嘉泰甲  
子月夕前七日來遊○灘江與湘同源出興安陽  
海山至其縣北醜為二流灘則經靈渠南出繚繞  
桂城東北及其西南帶以陽江從灘山下入焉岸  
傍數山或扼其衝或遮其去故間有亂石及沙潭  
處清淺為灘湛碧為潭餘雖深至一二丈其下石

雜五色草蕪諸種所有遊魚群嬉水面間沒葉底  
 此水最清洞澈無翳飛雲過鳥景不能遁南中人  
 士自袞襖之外良辰吉日浮舟宴集乃其故俗唐  
 宋之間桂州三月三日篇云始安繁華舊風俗賤  
 飲傾城沸江曲主人絲管清且悲客子肝腸斷還  
 續荔浦蘅臯萬里餘洛陽音信絕能疎故園今日  
 應愁思曲水何能更袞除作伴誰憐合浦葉思歸  
 豈食桂江魚不求漢使金囊贈願得佳人錦字書  
 張九齡巡按自灘水南行理棹雖云遠飲水寧有  
 惜况乃佳山川怡然傲潭石竒峰岌前轉茂樹隈

中積猿鳥聲自呼風泉氣相激目因詭容邈心與  
 清暉滌紛吾謬執簡行郡將移檄即事聊獨歡素  
 懷豈兼適悠悠詠靡盬以窮日夕○灘所挾諸  
 水陽江為大源出靈川縣之思磨山一出維摩嶺  
 流至郭西領杉木蓮花諸塘水匯為澄潭歷西南  
 文昌三石梁東出灘山與灘合宋時於城下構亭  
 曰陽亭張栻仲春過陽亭詩亭古危臨岸林幽巧  
 近城煙容隨雨住花片著溪清春事已如許客懷  
 誰與傾亭前幾株樹滿意欲敷榮○灘南流至鬪  
 鷄山南溪之水自西南來合彈丸溪入灘東過將

軍橋橋下有泉其冽宜茗又東為金蓮港每夏秋  
間其花盛發搖漾水面鬱若金粲亦臨汎佳處唐  
李渤留別南溪常嘆春泉去不回我今此去更難  
來欲知別後留情處手種巖花次第開○訾家洲  
起灘水中背並灘山唐元和中裴中丞行立叔建  
亭閣於其上屬柳宗元為記先是訾家所居因以  
名焉洲每經大水不受淹浸相承言其浮也唐揚  
漢公訾洲宴遊詩桂林雲物晝漫漫雨裏花開雨  
裏殘惟有今朝好風景櫻桃含笑柳眉攢歐陽賓  
詩舊業分明桂水頭人歸業盡水空流春風日暮

江頭立不及漁家有釣舟宋張孝祥詩一兩便清  
涼風回百草香雲山米家畫水竹輞川庄僧賦觸  
新帖牆榛斬舊行歸鞵乘晚霽空翠滿輕裝○相  
思江在城南五十里唐地理志云臨桂縣有相思  
埭元壽元年築以分水使東西流東合灘江西滙  
白石水潤各十丈源出白石山下其地有會仙里  
昔有群仙會集輜輶羽駕遍于碧空竟日而去里  
人聚觀狀聞于朝因名會仙里又三十里為甘巖  
大江之右其源亦出靈川思磨山自水測湧出巖  
方十餘丈大如屋室莫究其深淺盛夏詣之凜然



增寒○莫休符風土記云國初中書褚遂良事大  
宗歷官中書令高宗將立武昭儀為后遂良極諫  
以為不可由是忤旨貶潭州顯慶二年又貶桂州  
今開元寺舍利塔前有褚公親筆寫金剛經碑其  
西觀音寺有井隣人李氏暑月以熟餘羊脚置之  
震雷暴作挈肉于道煙氣薰灼虫蟻不附令狐綯  
撰有震井記叙述其事○長慶中李給事渤字濬  
之徐桂林表吳武陵為倅故事副車上任其索韉  
通謝又數日於球場致宴酒酣吳乃致詞云奉約  
同遊山水柰何以紅帛擊予首仍命婦女於看棚

聚觀相耻○李涉濬之弟也為作隱山六洞銘者  
又有喜弟淑再至桂林長歌凡五百言○張羽王  
桂故云唐李夔廉察桂州月夜聞隣居吟詠之音  
訪知為戎昱因以幕賓處之昱在席調其侍兒夔  
解其意即贈之昱感賦詩有恩合死前酬之句○  
楊衡吳興人與陳羽念別詩有云碧桂水連海蒼  
梧雲滿山及送公孫器自桂林歸蜀則云桂流淺  
復碧潺湲半露石似亦曾臨清流而興詠者○李  
群玉嘗自五羊來桂林訪故人舊居有一院蕉聲  
暮半庭春影斜之句○宋朱晞顏紹熙間知靜江

府為人豪爽自喜最傾意於當世有文名者其赴桂都鄙陽留訪程邁在桂得石屏又以遺邁得邁石屏記乃自為跋鐫之龍隱巖諸山亦多子淵所題○方信孺莆田人提刑桂州間屏騶從遊諸山伸紙濡毫有所撰述不移時草具當其得意處望崖漢曰平生方提刑以好山水聞孰信茲山寓筆研哉他日于西山擇最勝處營創館宇期欲奉母偕隱其下名所居曰碧桂山林自為之銘其文尚在山中○李師忠復之帥桂罷歸一詞題別云子規啼破城樓月畫船曉載笙歌發兩岸荔枝紅萬

家煙雨中佳人相對泣淚下羅衣濕從此音信稀嶺南無鴈飛○黃庭堅字魯直以編管宜州過桂見諸山驚嘆竒絕賦詩有云桂嶺環城如雁容平地蒼山忽嵯峨李成不生郭熙死柰此百嶂千峰何嘗寓行勳大師水閣為名榕陰閣刻諸碑石○范寥字信在成都華陽人以省叔父祖禹昭州還寓桂州天寧寺黃魯直贈以詩云范侯來尋入桂路走別俗人如脫兔其後山谷歿于宜州寥往護喪出嶺士大夫義之○吳敏字元中真州人大觀初辟雍試首選蔡京喜其文欲妻以女辭左遷柳

州嘗遊桂城外南禪寺多遺墨。○程祐之伊川先生從孫也紹興間避地僑居桂之永寧寺他日帥五羊還居焉今子孫墳墓俱在桂林。○元陽舜民蜀人嘗任清湘縣丞至正末避兵靜江為作新城碑記見豎道遙樓上。○劉恢字志道常寧人避地靜江為宣成書院山長宣成宋理宗賜額蓋祀橫渠張公杲東萊呂公祖謙也景定三年經略朱公禔孫所請。○王元字文元桂林人貧病苦吟每中夜得句妻黃氏輒先起燃火具紙筆以待徧草元有聽琴詩曰拂琴開素匣何事獨顰眉古調俗不

樂正聲君自知寒泉出澗澁老檜倚風悲縱有來聽者誰堪繼子期。○僧景淳宋元豐時人獨居一寺不畜侍者終日閉門聞鄰寺齊鐘即造焉諸刹皆敬愛之陰雨不出則為送食積二十年如故淳詩如夜色中旬後虛堂坐幾更隔溪猿不叫雷檻月初生又後夜客來稀幽齋獨掩扉月中無犬立草際一螢飛皆稱佳句。○石仲元桂人為七星巖道士于詩妙極精微宋天禧間將逝謂門人曰榮謝富然未喪之文子其嗣之盡出平生所作詩三百餘篇授之曰凡吾所得子之所知決旬而歿有

廣西雜錄  
卷之一  
四十八  
桂華集三卷蓋仲元自號桂華子云





